

ABASI ODU KE OBOT SINAI
Exodus 19:1-25; Mme Hebrew 12:18-25
QYQHỌ UKPEP-ŊKPỌ 60
Eke Ikpọ Owo

IKỌ IBUOT: “Esaña ekpere Abasi, ndien Enye eyesaña ekpere mbufo” (James 4:8).

I Israel Esim Obot Sinai

- 1 Mmọ edisim akwa akai-ikọt Sinai enyūn enam nna do ke akpa usen ke qyqhọ qfiqñ ita, Exodus 19:1, 2
- 2 Moses qdọk aka ke **Iso** Abasi onyūn qbọ etop qşok Israel, Exodus 19:3
- 3 Eti mmọ nte Abasi okosiode mmọ ke isqñ Egypt qnọ Idemesie nte “akpan inyene,” Exodus 19:4-6
- 4 Israel oduk ke ediomini ye Abasi, ndien esqñ idaha Moses ke iso mmọ, Exodus 19:7-9

II Ntim-Idem Israel Ndisobo Ye Abasi

1. Abasi qdọhọ Moses anam otu owo esana, ebeñe idem ndisobo ye Imọ, Exodus 19:10, 11
2. Enim adaña ekanare obot man owo baba kiet okutuk koro owo eke otukde eyekpa, Exodus 19:12
3. Eyewot sededi eke otukde obot oro ekpedi owo me unam, Exodus 19:13
4. Moses anam otu owo esana onyūn qnọ mmọ uyo ete ebeñe idem ebet qyqhọ usen ita, Exodus 19:14, 15

III Ubqñ Abasi Ke Obot

5. Kpukpru owo enyek idem ke uyom obuma, emireñ-mireñ ye akwa uyom ukorowo, Exodus 19:16
6. Ofuri Israel ekut nsuñ-ikañ ofukde obot nte ukpe ikañ ke ini Jehovah qşuhqrede ke ikañ, Exodus 19:17, 18; Psalm 50:3
7. Uyom obukpoñ qşqñ onyūn ebighi nte Moses qdọkde ke nnyek-idem man ekeneme ye Abasi, Exodus 19:19, 20; Mme Hebrew 12:21
8. Etọt otu owo ekusaña ekpere, ete mme oku enam idem mmọ esana, man mmọ ekukpaña, Exodus 19:21-25; Mme Hebrew 12:14, 29

IV Emen Obot Sinai Edomo Ye Obot Zion

9. Eti nnyin emi idide mme anditiene-Christ ebaña uteñe Abasi ke obot, Mme Hebrew 12:18-21
10. Nnyin isaña ikpere Obot Zion ye Obio Abasi uwem kpa Jerusalem enyqñ, Mme Hebrew 12:22
11. Nnyin isaña ikpere ufok-Abasi mmọ eke edide ikpan, ye Abasi Ebierikpe ye Jesus, Esine-ufot, Mme Hebrew 12:23, 24
12. Edieke mmọ emi ekesinde uyo Moses emi eketiñde ikọ qnọ mmọ ke isqñ mikqbqhọke, nnyin idibqhọke bqhq ikan oro edieke nnyin iwqñqrede ikpqn Enye emi etiede ke Heaven etiñ ikọ, Mme Hebrew 12:25; 1:1, 2; John 1:17.

SE EKPEPDE EBAÑA

Ibet

Edinam Abasi ye owo ke ndusuk idaha esiyarade ke akwa ñkpọ-ntibe ke uwem owo. Emi ke akpanikọ ekedi akwa ñkpọ eriti, ke ini Abasi ekebede ke mme utibe-ñkpọ, ada Israel qwqro ke isqñ Egypt, ke ufok ufin. Ikonyūn idighe ekpri ñkpọ ke ini Abasi akadade mmọ edisim ke akwa akai-ikọt ke Obot Sinai, ebiet eke Moses ke qfiqñ ifañ mbemiso usen oro, okosobode ye Abasi ke ikọt emi asakde ikañ. Koro ekedi mi ke akana nte Israel ebọ ke ubqk Moses, anana-ndo ibet emi Andiwet Psalm qkqkwqde abaña, ete:

“Ido Jehovah efon ema, edemere ukpoñ; item Jehovah edi akpanikọ, asian mme qkoi.

“Mme ewuhọ Jehovah enen, edat owo esit; mbet Jehovah eyama, eñwaña owo enyin.

“Uteñe Jehovah asana odu ke nsinsi, mme ikpe Jehovah edi akpanikọ, kpukpru mmọ enen.

“Mmọ edi se owo ekpeymde ekan gold ye ata ediwak eti gold, enyūn eniñe ekan aran-qkwqk eke mbukpa qtoid.

“Enyūn eda mmọ eteme owo fo; akamba udori oto ke erinim mmọ” (Psalm 19:7-11).

Ini Ibet

Edinq Ibet emi akada emana obufa eyo edi emi akayararede edisana uduak Abasi, idighe inq Israel ikpoñ, edi enyene ofuri uduot owo; man oto do ibet nte andikpep, akpada owo qşok Christ, Messiah emi ekeñwqñqde, emi qkqşqñqde akam oro. “Yak inam uduak Fo; Nte enamde ke Heaven, yak inam ke isqñ kpasuk ntre.”

Ikpanaha akpa nnyin idem ndikut nte edinq ibet akasañade ye emireñ-mireñ, obuma ye akwa uyom ukorowo emi akanamde kpukpru owo enyek idem, Moses ke idemesie efehe ndik onyūn enyek idem, koro mme idiqñq emi qkqñq ntọt ndiwut nte ke Abasi ke Idemesie ama odu ke obot emi nsuñ-ikañ okofukde, mmọ ekenyūn ewut mme enyene-ndik ubierikpe emi ekenyenede nditiene kpukpru owo emi edibiatde ibet emi Abasi Andikpon ñkan ekenyenede ndiwet ke ubqk Esie.

Ediomini Israel Ye Abasi

Ke Israel ema ekesaña anyan isañ, ema ekesim mben Obot Sinai enyūn enam nna mmọ do, Moses ama qdọk aka ke iso Abasi ke ndañ-nsiere onyūn afiak edi ye etop emi, “Mbufo emekut se ñkanamde Egypt, ye nte ñkadade mba ntrukpom mmen mbufo ñkama nnyūn nda mbufo ndi ke ebiet mi. Mmọdo edieke mbufo miditreke ndikop

uyo mi, nnyuñ nnim ediomi mi, mbufo eyedi ndien akpan inyene mi ekan kpukpru obio: koro ofuri ererimbot edide okim. Mbufo eyenyuñ enyene mi nte obio oku, ye nte edisana idut.” “Ndien kpukpru owo ebọ uyo kiet edọhọ ete, Iyenam kpukpru se Jehovah ọdọhọde.” Ntre ke Israel ekeduk ke ntọtunọ **ediomi** ye Abasi ke Obot Sinai.

Ntim-idem Israel Ndida Ke Iso Abasi

Se Israel ekenyenede ndinam efen ekedi nditim idem ndida ke iso edisana Abasi ke obot. Ndien ke ntak emi Jehovah ọdọhọ Moses ete, “Ka ke tiene kpukpru owo, nyuñ nam mmọ esana mfin emi ye mkpọñ, nam mmọ enyuñ eyet edisine-ñkpọ mmọ, mbufo enyuñ etim idem mbufo ebeñe okut: koro ke okut ke Jehovah edisuhọre ke iso kpukpru owo ke Obot Sinai.”

Idaha ntim-idem emi ekeyomde Moses ye otu owo enam ekedi enyọñ-enyọñ mbiet edisana uwem esit-idem emi Abasi okoyomde, “Koro esiode oro efep, baba owo kiet idikwe Ọbọñ,” ñko man nditọ Israel ekpenyuñ eda oro “edomo efiọk se uduak Abasi edide, uduak Abasi eke edide eti, onyuñ enemde owo esit, onyuñ ọfọnde ama” emi akayarade ke ibet emi edinọde. Ke ntre ukpọñ emi ikpe etebede, emi ebietde edinyaña Israel nsio ke Egypt, enyene udeme ke utom mfọn-mma emi Abasi okonimde ọnọ enye, enye enyene ndiyak kpukpru ñkpọ esie nnọ Abasi, man enam enye asana ofuri-ofuri: “Mmọdo mmada mbom Abasi mkpe mbufo ubok, nditọ-ete mi, nte eda ikpohidem mbufo enọ Abasi nte odu-uwem uwa, emi asanade, emi onyuñ enemde Abasi ndibọ; koro emi edi uwa eke anade ọnọ mbufo ndiwa. Ekunyuñ ekabare ebiet eyo emi, edi eyak mbufo ekpuhọre, oto ke erinam emi enamde esit mbufo edi obufa, man mbufo edomo efiọk se uduak Abasi edide, uduak Abasi eke edide eti, onyuñ enemde owo esit, onyuñ ọfọnde ama” (Nwede Mbon Rome 12:1, 2).

Ndisi emi ke Obot Sinai ekedi ñkoñ-ñkan idaha, idighe ke mbuk ñkpọ-ntibe mme Jew ikpọñ-ikpọñ, edi, edi ke mbuk ñkpọ-ntibe ofuri ufok ke ererimbot koro ndisana ñkpọ Abasi ekenyene ndibe ke ubok Israel nsim uduot owo. Ndusuk mme ekpep Nwede Abasi ke ndibat ke adiana ke adiana, mme ñkpọ-ntibe ke ibuot-ñwede emi, enim ke akpanikọ ete ke Abasi okowut Idem ke obot emi ke usen aba ye duop ama ekebe ke ema ekenim Nsana-mbe ke Egypt ke okoneyo emi ekefakde Israel esio ke ufin. Ke ntre ubuat-ubuat ñkpọ-ntibe emi ke Obot Sinai, edi se mmọ edade nte ñtọñọ usen Pentecost.

Obot Sinai Ye Obot Zion

Paul, isuñ-utom ke ñwede emi enye ewetde ọnọ nditọ Hebrew, eti nnyin ete ke nnyin idu ke ọkpọsọñ ini ke eyo mfọn emi akan nte nditọ Israel ekeikutde ke idak ibet. Mmọ ke akpan, ema enyek idem ke ini emireñ-mireñ ye obuma ekenyenede enyọñ obot onyuñ ọbọrọde ọkọrọ ye ọkpọsọñ uyom ukorowo, nte Akwa Abasi owutde idem ke obot emi nsuñ-ikañ ofukde. Moses ke idemesie onyuñ ọdọhọ ete “Nkop ndik, nnyuñ nnyek idem eti-eti.”

“Edi mbufo ekesana ekpere,” Paul, isuñ-utom eti nnyin, “Obot Zion, ye Obio Abasi Uwem, kpa Jerusalem enyọñ, ye ata ediwak angel, ye akwa esop ye ufok Abasi eke mmọ emi edide ikpan, emi ewetde enyiñ mmọ ke Heaven; enyuñ esana ekpere Abasi, Ebierikpe ofuri ekonde, ye mme Spirit ndinen owo emi enamde mmọ efon ema, ye Jesus emi edide esine-ufot obufa ediomi, ye erisime iyip, eke etiñde se ifọnde ikan iyip Abel.”

Ke ntre edieke Israel ekesinde enye emi eketiñde ikọ ke isọñ, kpa Moses, ọnọ ibet, mikpọhọke, nnyin idinam didie ibọhọ edieke isinde Enye emi etiede ke enyọñ etiñ iko, kpa Jesus Andinọ-Uwem? Ibighike, Enye ke afiak edi; ndien enye eyedi, idighe aba nte usuhọre Owo Nazareth, edi nte Ebierikpe ofuri Ererimbot. “Ndien ndidem isọñ, ye mbọñ ye ikpọ mme etubom ekọñ, ye mbon inyene, ye mkpọsọñ owo, ye kpukpru ifin ye nditọ-isọñ, edibe ke mme aba ye ke ikpọ itiat emi edude ke ikpọ obot; mmọ enyuñ edọhọ ikpọ obot ye ikpọ itiat ete, Eduọ efuk nnyin, enyuñ edip nnyin, man nnyin ibọhọ iso Anditie ke ebekpo ye iyat esit Eyen-erọñ” (Eriyarare 6:15, 16). “Edi ata ñkpọ ndik ndiduọ nsine ke ubok Abasi emi odude uwem.”

MME MBUME

1. Nso ikanam nditọ Israel enam nna ke ini mmọ esimde Obot Sinai?
2. Nso ifiok ke Moses ekebem iso enyene ke mben obot emi?
3. Nso idaha utom ke ekenọ Moses ke ini Israel enimde ke obot oro?
4. Nso ntim-idem ke ekeyom Israel enam man Abasi osobo ye mmọ?
5. Ntim-idem emi akada ọnọ nso, ndien nso ke Abasi okoyom oto mmọ nte mbeñidem ke esit-esit idem?
6. Ntim-idem emi akañwam mmọ didie ke abana ibet Abasi okoyomde nditọ?
7. Nte owo enyene ukeme ndinim ibet man enyene erinyaña?
8. Nso utom ke ibet anam emi enyenede ebuana ye erinyaña emi otode Christ?
9. Nso idi ntak emi emireñ-miren ye obuma ye uyom ukorowo ekebemde edinọ ibet iso?
10. Nso idi akpan ñkpọ ke ibet Moses emi ekenọde ke Obot Sinai?